

EAEn lortu zen errentako diru gehikuntzarik handiena 1990ean

MADRIL

Euskal Autonomi Elkartea izan zen Pertsona Fisikoen Errentaren gaineko Zerga dela medio, diru bilketa igoerarik nabarmenena izan zuen Espainiako komunitatea, gobernu espainiarrak jakin erazi duenez. Nafarroako Elkartek ere diru gehiago jaso zuen zerga zuzenetik iaz.

EAEko diputazioek % 30,6 diru gehiago jaso zuten, eta 1989ko 54.429 milioitik 71.109 milioira pasa zen iazko ekitaldian. Nafarroako Haziendak, berriz, 6.935 milioitik 8.282 milioira gehitu zuen jasotako dirua, % 19,4 gehiago, alegia.

Datu hauek atzo ezagutarazi zituen Espainiako Gobernuak, diputatu baten eskariz Estatu espainiarrak iaz egin zuen diru bilketa orokorraren kopurua adieraztean. Ildo horretatik, Estatuak PFEZaren bidez eskuratu zuen dirua 3,2 bilioi pezetakoa izan zen guztira, % 5 gehiago, aurreko urteko ekitaldiaren aldean.

Komunitate autonomoei dagokienez, Hego Euskal Herrikoek gain, hiruk bakarrik bildu zuten diru gehiago errentako biltzarekin Espainian: Kantabriak, Kataluniak eta Madrilak, hain zuzen. Gai nontzeko komunitateetan gutxitu egin ziren zerga honetatik ateratako diru kopuruak.

EEEko enpresa batzordeak itxialdia hasi zuen atzo Bilbon

BILBO

Eusko Jaurlaritzako Energiaren Euskal Erakundeko (EEE) enpresa batzordeko kideak itxialdia hasi zuten atzo arratsaldean Bilboko bulegoetan, hitzarmen kolektiborako negoziazioak geldialditik ateratzea eskatzeko. Langileak ordezkatzen dituen batzordea, ELA sindikatuko 10 partaide eta LABeko ordezkarik batekin osaturik dago.

Era berean, pasa den 8tik EEEEko langileek erakundeak Bergara, Barakaldo, Anoeta eta Bilbon dituen lantokietan kontzentrazioak egiten jarraitzen dute.

Langileek aurkeztu duten eskakizun plataformak Kontsumorakoak Prezio Indizearen (KPI) ginetiko bi puntuko soldata igoera jasotzen du 1991rako. Lanorduei dagokienez, urteko 1.698n lanordu eskatzen dute langileek, Lakuako eta gas sektoreko langileekin berdintasuna eskatzeaz gain.

Grebaldietan zerbitzuak bermatzeko proposamena egin du Jaurlaritzak

Irailean sindikatu eta Confedebaskekin batera eztabaidatuko du akordioa

Greba egunetan zerbitzu minimoak bermatzeko helburuarekin, Eusko Jaurlaritzako Lan Sailak proposamena aurkeztu die UGT, CCOO eta ELA sindikatuari eta Confedebask patronalari. Bertan, arazoa bideratuko lukeen batzorde mistoaren eraketa jaso dute.

M.A. / BILBO

Martin Auzmendi, Gasteizko Gobernu Lan sailburua atzo Bilbon azaldu zuenez, UGT, CCOO eta ELA sindikatuari eta Confedebask Euskal Autonomi Elkarteko (EAE) patronalari grebaldietarako zerbitzu minimoak erabakitzeke proposamena aurkeztu die.

LAB sindikatuari ez zaio proposamenaren berririk eman, «ekintza bateratua daramaten sindikatu demokratikoei» bakarrik zuzendu zaie, baina «LABi ez dizkiogu atak itxi eta beraiekin eztabaidatzeko prest bageaude» azpimarratu zuen Martin Auzmendi.

Irailean eztabaidatuko den proposamen honen xedea zerbitzu minimoak ziurtatzeko langile eta patronalaren artean akordioa lortzea litzateke, jendeak pairatu ahal dituen kalteak gutxitzeko asmoz. Auzmendiren esanetan, «botere publikoen lana da hiritarren oinarriko eskubideak bermatzea eta horregatik oreka aurkitu behar dugu grebalarien



Martin Auzmendi Lan sailburua eta saileko beste arduradunak.

J. SIMAL

interesaren eta jendearen beharren artean».

Proposamen ofizialaren arabera, enpresari, sindikatu eta instituzioek osaturiko Zerbitzu Berezien Batzordea eratuko litzateke. Honen betebeharra akordioetara heldu eta Eusko Jaurlaritzari proposamena aurkezteko litzateke. Gainera, zerbitzu minimoen zerrenda osatuko luke.

Auzmendi azpimarratu zuenez, hau ez da greba eskubidearen «erregulazioa», lan arazoetan «arrazionaltasuna» bultzatzeko bidea baizik. Sailburuaren ustetan horrelako ekimena aurrera eramateko garairik egokienean dago EAE, «instituzio eta agente sozialen arteko harremanak estutu bait dira azkenaldian eta

gizarte sektoreen heldutasuna nabaritzen delako».

AURREABISUAREN EPEA ZABALDU

Irailean izango diren negoziazioetan, greba egiteko aurreabisuaren epea zabaltzea ere eztabaidatuko dute sindikatu, enpresari eta Eusko Jaurlaritzak, Auzmendi adierazi zuenez.

Era berean, zerbitzu minimoen buruzko akordioa «aho batez» hartu beharrekoa dela azpimarratu zuen EAEko Lan sailburua, «hau bait da zerbitzu hauek bermatzeko bide bakarra». Alde guztien arteko akordioarik ezean, irailean zehaztuko diren arbitraia mekanismo bereziak jarriko lirateke martxan.

Hamasei langile grebalarik Bilboko hiltegiko garraioa galerazten dute

V.P. / BILBO

Bilboko hiltegiak okela banatzeko kontraturiko bi garraio enpresatarako 16 langileak greban daude, hiltegiko arduradunekin garraio tarifak negoziatzeko akordiotara heldu ez direlako. Hori dela eta, kontratatutako enpresetako langileek galerazi egiten dute astelehenean hiltegitik okela garraiatzea.

Miguel Varona Saiz eta Jose Luis Parada jabe diren bi enpresak Zorroztzako (Bilbo) hiltegitik okela garraioa egiten dute duela lau urtetik hona. Enpresa horiek hilabeteko 500 tona haragi garraiatzen dute bost kamioitan, merkatu eta harategietan banatzeko.

Hiltegi horrek orain arte bost pezetza ordaindu ditu garraiatutako kilo bakoitzeko eta, kontratuak berrizatu behar zirela eta, garraio enpresetako arduradunek 6,5 pezetza eskatu zuten, hiltegiko zuzendariak 5,5 pezetatik gora ordaintzeko prest ez egon arren.

KONTRATUAK BERTAN BEHERA

Garraiolariek baldintza horiek onartzen ez zituztela, hiltegiak bertan behera utzi zuen bi enpresa horiekiko kontratua. Horren aurrean, hamasei langileak grebari



Bilboko hiltegiko okela, noiz eramango duten zain.

ekin zioten pasa den astelehenean eta, baimenik gabeko pertsonak haragia garraiatzea galerazteko, hiltegiko sarrerak blokeatu zituzten euren kamioiekin.

Beste garraio enpresa batek, ordea, Bilboko hiltegiak eskaintako baldintzak onartu ditu eta sinatu egin dute kontratua, okela kiloko 5,5 pezetza kobratzeko prest daudela. Langile grebalariek jakin erazi dutenez,

enpresa horrek lan eskaintza egin die, baina haiek errefusatu egin dute, nonbait, «garantia nahikorik ematen ez zaielako».

Gauzak horrela, langileek greba egingo dute astelehen, astearte eta asteazkenetan eta gainontzeko egunetan lan egingo dute, uzten baldin badiete. Bitartean, sektoreko sindikatua den Sintrabi eta hiltegiko arduradunek negoziazioetan ari dira.

PPrentzat EAEko esperientziak bere plangintza aberastuko du

GASTEIZ

Espainiako Gobernu Ogasun ministro ohia eta gaur egun Madrilako Gorteetan PPko diputatua den Manuel Nuñezek, bere alderdiak egin duen Konpetitibitate Plangintza aurkeztu zuen atzo Gasteizen. Euskal Autonomi Elkarteko (EAE) esperientzia ekonomikoek plangintza «aberastuko» dutela adierazi zuen aurkezpenean.

PP alderdiko ordezkariak EAEko enpresarekin bildu ziren atzo beren Konpetitibitate Plangintzaren berri emateko eta aurrerago sindikatuaren elkartuko dira. Bilera hauen bitartez, «bertako esperientzia eta lorpenak Estatu mailako politikara eramatea» nahi dute PPko kideek.

PPren plangintzan proposatzen diren hamabi neurriek «1993an Merkatu Bakarrarekin areagotuko diren arazoei aurre egin nahi diete». Aseguru Sozialaren finantzazio eta fiskal arloko berriztapenak, defizit publikoaren murrizketak, sektore publiko eraginkorraren eraketa, interes tipoen jaitsiera, giza-kapitala bultzatzea, lan arloko aldaketak, zientzia eta teknologi garapen eta ikerketak, errenta politika, azpiegitura egitaraua, ingurugiroaren babesa eta konpetitibitatearen hobekuntza dira PP plangintzaren oinarriko puntuak.

Telefono zerbitzuaren prezio konpetitiboak eskatzen ditu UCEk

IRUNEA

Nafarroako Kontsumitzaileen Elkartek (UCE) telefono deien prezioak «konpetitiboak izan daitezkeen» eskatu du kaleratutako agiri batean. Eskari hau uztailaren lehen indarrean jarriko den telefonoaren liberalizazioaren aurrean egin du UCEk.

Elkarte honen ustez, liberalizazio honek aukera zabalgia ekarriko die erabiltzaileei eta, ondorioz, hori «prezioetan ere isladatu behar da». Kasu guztietan izan daitezkeen prezio igoerek zerbitzuaren kalitatea hobetzea ekarri behar dute, UCEren iritziz.

Bestalde, kontsumitzaileen elkarte honek «telefono homologagarriak» erostea aholkatzen die erabiltzaileei, hau horrela ez bada, «sareari lotuta ez dauden telefonoak gehiago izanez gero, erabiltzaileen komunikazioak eta komunikazio sare osoa distortsionatu daitezke» eta.